



17241

kat.komp.

1

Mag. St. Dr.

P

*Martini**Math. Christ. Appian**sur acoustique*

PANEG. et VITAE

Polon. 4^eN^o 985.

Biblioteka Jagiellońska



stdr0002180

70.

APPLAVSVS ACROAMATICVS.
Seu
DONARIVM HO-
NORABILE

Illustriss. & Reuerendiss. Praesuli ac Dño,
D. MARTINO SZYSZKOWSKI,
Dei & Apostolicę Sedis gratiâ Episcopo
Cracouiensi, Duci Seuerien. Almæ Aca-
demie Cracouiens. CANCELLARIO, & Pro-
tectori clementissimo.


A
MATTH: CHRYSOSTOMO BYCZKOWIO,
Art: lib: Magistro, ipso die faustissimi ingressus in Episco-
patum, gratulanti animo, factum dicatumque.

CHRONOSTICON
Annum, Mensem, Diem designans.

SYS COIVS PRAESVL sacras DVM prædlt habenas
Florico Mls PhœbVstVnc VehebAtVreqVIs.

CRAC. In Typogr. Lazari, apud Matth:
Andreouien. excussum.

BIBLIOTH. U.



VARELLON


Hinc virtutis apex, celsum pro-
spectat olympum.



Sic statuta Fatorum series, sic san-
xit Apollo.

BIBLIOT
VINIV
GRACOVENSIS

172415



In arma Illustriss. & Rñdiss. Dñi
D. MARTINI SZYSZKOWSKI
Episcopi Cracouien: Ducis Seuerien.

Quid geminae discant Luna: quas crux media ornat?

SZYSZKOWIAE, signant nobile Stemma domus,
Hic Pietas, hic nuda Fides, hic candor Honori:

Hic animus Patriam ritè iuuare, nitet.

Hic radians splendor uirtutum, porrigit, usq;

In mundi geminas, lucida signa, plagas.

Consilio, ore, manu, Patriam ornas? Magne SENATOR,

Plaudit in aduentu, docet Ithaliam, tibi:

Coelicolum superas, PRÆSUL dignis sime, in oras

Pandis iter; Pastor, cum Grege, uiue, tuo.

Marte, togâq; sacra proteges Religionis,

Latifica Regni sceptrâ decore nouo.

Pro te nota dabant, Clerus, cum plebe, Senatus:

Plaudunt nunc Ephoro Templâ sacrata suo.

Cicero II. de Oratore.

ILLVSTRIVM VIRORVM FACTA LITE-
RARVM MONVMENTIS CONSECRANDA.
OMNIA ENIM EXEMPLA, QVIBVS AD E-
GREGIA FACTA & ILLVSTRIA OPERA
EXCITANTVR POSTERI, SEPVLT A IACERENT IN TENEBRIS, NISI LITERA-
RV M SPLENDOR ACCEDERET. Quid ita?

Addit Menander: QVONIAM SIC CVLIBET
FAS EST: ὥσπερ ἐν ἐσὸ πλῶ, κοσμεῖν, καὶ ἀφομοιοῦν πρὸς
τὰς τῶν ἄλλων ἀρετὰς τὸν βίον. i. e. veluti in speculo ornare,
& componere ad aliorum virtutes vitam.

ERgo Cracia, Praesuli
Docto, carmina promito:
MARTINO, metra dicite
Musa Vistulides, Patri,
PRÆSVL, carminis author est
SZYSZKOWSKI! sonet athera,
Celsum, vox, feriat polum.
Clangant cum citharis lyra:
Diuorum ecce reponitur
Aris, Praesul amabilis!

MARTINVM, benedictio
Magni Pontificis Dei,
Altis sistit honoribus:
Spondens purpureum decus.
Illi, cum patribus, Viri,
Portent cum violis, rosas.
Pastori nitidoque oues
Plaudentes, resonent iò.
Ergo viuat, iò, diu.
Viuat rite perenniter.

Illustriss: S. Cels.

Cliens humilimus. M. M. B.

ORATIO

ΕΥΧΑΙΜΑΤΙΚΗ.



Nter optatissima quæq; diuinæ
 benignitatis munera, vel maxi-
 mē lux hodierna nobis affulfit
 gratissima, Illustrissime PRAE-
 SVL SZYSZKOWSKI, quā sum-
 mus rerum omnium Arbiter &
 Effector Deus Opt. Max. Gregi
 suo (mærentissimo hætenus, post nunquam satis lau-
 datae memoriae Pastorem PETRVM TYLICKI, pruden-
 tissimum rerum moderatorem, de Ecclesia Dei, Aca-
 demiâ, & totâ Repub. optimē meritum Patrem extin-
 ctum; cuius virtutum robore, & firmitate consilij ad-
 mirabilis, propeq; diuini, Senatus, populusq; Sarmati-
 cus erectus incedebat) Te Pastorem vigilantissimum,
 Sacrorum principem optimum, atque Cleri totius
 Ducem & Antesignanum inclytum, in opere diuino
 exercitatissimum, cooptat, & denunciat. Quis igitur
 non lætetur? quis non, in tuo aduentu, insolito gesti-
 entis animi tripudio efferatur? quis non honori excel-
 so, quem tibi virtus tua peperit, non gratuletur? cum
 vultum hūc tuum candidissimum, iam diu à nobis om-
 nibus votis ardentissimis expetitum, Numen cœleste
 præsentat; atq; veluti Solis facem rutilantissimam pul-

In aduentum Illustriss. Præsulis.

lis aquilam, integrâ oculorum acie conspiciendam, proponit: & in hac temporum iniquitate, in varia multiplicis religionis sectione, te, nobis omnibus qui te veneramus, tanquam filijs Patrem clementissimum, demonstrat salutandum. Equidem circumfusa hæc omnium Ordinum, Professionum, & Conditionum multitudo, licet multiplici tenore verba varia mellifluo ore personare videatur: tamen hoc vnum concordi animo à summo illo & prouido Pastore Deo precatur, & ex intimis cordis penetralibus id ipsum efflagitat, vt quæ admodum te saluum conspiciamus ac incolumem, ita eundem integrè sartum, tectumq; quàm diutissimè intueamur, & iucundissimo tuo conspectu, in longi temporis vsuram, perfruamur. Titanijs enim ille radijs lucidior, incredibili non solum nos omnes, qui sub tuis nunc auspicijs, & Christi Dei vexillo militamus, sed omnes etiam alios, quibus iam pridem singularis tuæ benignitatis aura, & clementiæ vis cognita perspecta q; est, simulq; in Deum, ac res diuinas, candidissimi animi tui affectio, explorata, quâ tu cæteros superâsti, & multo interuallo post te reliquisti, voluptate, ac lætitiâ perfudit. Viuit enim in te pietas, viuit deuotio, & omnis dignitatis ac honoris gratia, & splendor in te relucet. Hinc fit, vt omnes tui, tuo instituto & exemplo viuere contendant, qui se virtutum fulgori, doctrinæ præstantiæ, vitæ puritati, ac probatis candidisq; moribus, ritè & legitimè consecrauerunt. Etenim nemo est qui am-

bigat,

M. M. B. Oratio Syncharmatica.

bigat, te optimis quibusq; bene velle, eisq; ex animo
fauere, imò verò & Mecœnatem te eis exhibere fauen-
tissimum; vt potè, qui in hac rerum omnium perturba-
tione, florentissimæ olim, nunc (hem) compressæ Rei-
pub. literariæ, Patronorum defectu, in te spem omnem
sitam esse, certò nobis persuadeamus. Ex quorum nu-
mero, cum ego me esse comperiam, qui tibi vnà cum
omnibus alijs meis intimis & familiaribus, nouum ho-
norem gratulari cupiam; an contemnes animum adeò
paratum ac studiosum? An verba hæc ex intimis pe-
ctoris recessibus promanantia, quamuis horrida illa, &
rude quid atq; absonum strepentia, repudiabis: quip-
pe cum & balbutientes filios patres libenter audiant,
eosq; in tempore pro suo amore consolentur. Equidè
eâ animi sum lenitate, vt, si fieri posset, cum tota hac &
numerosâ grauissimorum virorum coronâ, quæ effusa
est hodie in tuo aduentu gratulabunda, prope humeris
suis te exceptura, cuperè applausus & gratulationes fa-
cere, quas aliquando Cyro ad se aduentanti Persæ, Phi-
lipomeni Megapolitani: Alcibiadi Athenienses: Ca-
millo Romani: Carthaginenses Hannibali, habuère:
eamq; ego, si non totam integrè, at saltem partem ali-
quam persolvere conarer; nisi sciam te, laudum mune-
ra, quæ tua modestia est, & omnis generis encomia, pe-
nitus reformidare; Etiam si hinc amplissimam virtutû
segetem consurgere, & in posteros affatim deriuare,
ignorat nemo. Quocirca nonnisi illud me efficere, &

à te im-

M. MATTH. BYCZKOVII.

à te impetrare posse confido, quod apud Alcinoium Vlysses præstitit, cum se ab eo plurima beneficia accepisse passim confiteretur, non tamen ea persolvere, sed gratâ memoriâ tenere, prædicabat; indeq; deuoti animi significationem, ac propensam voluntatem denuncians, nullo vnquam munere se eius beneficentiæ satis respondere posse asseuerabat. Ac proinde ego quoq; gratus existens diuini beneficij, quod te nobis concesserit spectatissimum Dominum, & Mecænatem benignissimum intueri, ob idq; & tibi non ingratus esse volens, meque in gratiam & patrocinium lubens deuouere, ac commédare gestiens: quid potissimum in medium adferre deberem, diu mecum deliberabam. Hinc enim timor iunctus pudori, & dicendi inopia, perstringebat mihi mentis oculos: illinc Academiæ amor & veneratio, cuius tu Cancellarius es, & literatorum Patronus benignissimus fausto omine adueniēs: præterea & Episcopi adornata honoratio ad nomen tuum celebrandum, tanquam in speculo quodam effigiandum, vel penicillo adumbrandum, ac coloribus submissio- nis exprimendum, instigabat. Huc accedit, vt dum ad laudes tuas decantandas me accingerem, adsibilare mihi fortasse quispiam Aristarchus iure posset, quod ego pugillum Oceano aliquid superaddere putem, & acutè videntes aquilas nihil veritus, tanquam agnus quidam, & mansuetudinis cultor non vulgaris, vadum tranare præruptum tentem, & veluti Glaucophi-

ORATIO SYNCHARMATICA.

los Solis orbitam splendidissimam intueri, parum esse
ducam; in laudes duntaxat tanti Præsulis, in quo lau-
dando ipso opus esset laudatore, excurrere præsumen-
do: vt potè, homo neglectus, ob penuriâ rerû & dicēdi
inopiâ: Quò enim se fortuna, eò & fauor hominum, in-
clinat. Hincq; fit, vt mea in Illustr: Cels: tuâ laudandâ
infantia, & personę exiguitas, ne, apud cõtortâ, & vitu-
peranti nare Criticos, mihi officiat potiùs, vti ignoto,
quàm gratiam aliquam tui castigatissimi iudicij expe-
riatur, non mediocriter pertimescebam. Sed tamen, cū
sciam res tuas omni memoria dignas, in Repub. Polo-
nâ, & in exteris nationibus gestas, adeò esse illustres ac
peruulgatas, tamq; suâ ipsas luce splendescere, vt non
tam amplificandi, quàm percensendi, nec exornantis,
sed indicantis manum exposcant; id demum me non
mediocriter recreabat, atq; exhilarabat. Ideoq; in eam
spem veniebam, te ex paupere sinu meo, veluti Persa-
rum ille Dynastes, haustum aquę, in multorum oblatio-
nibus benignè suscepturum, & æqui bonique consul-
turum. Non ergo despondebã animum, nec quicquã
torpori concedo, occasione obtemperando. Nam
quid facerem Illustriss: P R A E S V L I cum viderem tibi
omnes, ab omnibus de bonis Reipub. & Ecclesię, me-
ritis viris, honores & applausus solennes apparari: cum
parietes ipsos, Tempia, Curiam deniq; inaurari, vt, si
loqui possent, hæc omnia in voces pro aduentu tuo
promptissimè se exoluerent: imò ipsam Ciuitatem nūc

In Aduentum illustris: Praefatus

in tuos amplexus ac honores effusam esse aduerto, certatimq; omnes ad te omnium Magistratum & Ordinum ciues inclinatos, tuæ vestis lacinias ipsas venerari, & flexo poplite adorare. Cur igitur ego tardus? cur adeò ingratus? Si Athenis Diogenes Philosophus, cū videret alios sua obire munia, & passim esse intentos operi, ipse quoque reiecto ocio, suum dolium versare, & in gyrum rotare, pulchrum duxit: quis mihi vitio vertet, si etiam absonam, ne dicam elinguem meam dictionem, tanquam ille Cyri filius, in Parentis benignissimi, & sacratissimi Protectoris aduentu explorem, & in medium producam? Quare, cum per virtutum tuarum decora, & meritorum ornamenta, enarrando, tanquam per viridantissimos Alcinoi hortos strictim decurram, non ingenium me (quod noui quàm sit exiguum) venditare, non auribus tuis purgatissimis velle aliquid dare, existimabis; ab omni enim assentationis vitio, quàm longissimus semper & ubique esse volo: sed Dei benignitatem patiari me paulisper prædicare, & Numen illud salutare intelligas me ardenti studio celebrare velle, ex eo, quòd talem ac tantum Ecclesiæ suę prouiderit Pastorem, in eaq; Pietatis Ducem, & magnanimum in Christi militiâ Achillem, concesserit. Pulcherrima dicam, breuissimè tamen me expediam, ne placidissimo tuo palato fastidium generem, vel indignationem. Attende igitur patienter ad dicta mea, quę congeffi in tuas laudes reuerenter. ∞

M. M. Oratio Syncharmatica.

¶ Tria esse video Illr^{me} PRAESVL, quæ in te relucunt honoratissimæ tuæ Gentis insignia, & tuarum virtutû ornamenta, quibus nō modò altissimos honorum gradus consequi, sed etiâ cœlum ipsum conscendere facile valeas: nempe quòd amore & beneuolentia cōprehendas omnes, quibus bonum publicum cordi habetur: Deinde verò, quòd omni facultate siue prudentia, & vsu polleas ad res præclare & fortiter gerendas: Tandem verò quòd sis ijs virtutibus instructus, quæ huic muneri potissimùm conueniunt; iustitiâ nimirum, & clementiâ, cum religione & liberalitate coniunctâ. Ac in primis magni & excelsi animi te dicunt vniuersi, qui sobriè de rebus iudicant, quòd per rectè factorum claritatem, & virtutum tuarum magnitudinem Menti illi supremæ, & sapientissimo vitæ Moderatori & Censori Deo assimilari studeas, vitam communem inter mortales ad omnem fidelitatis & amicitie integritatem cōponens. Hoc enim in te probitas naturæ, & elegantia morum cum rectitudinis ratione coniuncta efficit, vt nequaquam illa, quæ ad salutem Reipub. faciunt, minùs rectè promoueas, vel Bonum cōmune, aliquo nocentis affectûs turbine, disturbare moliaris: quin potius dicta, & facta omnia, ad honestatis & vtilitatis rationem conferens, vnicuiq; mortalium prodesse contendas. Quemadmodum enim Solis radij ceram molliificant, lutum verò consolidant & indurant; ita tu in Rep.

In Aduentum illustris: Præfulis.

Polonâ Præses & moderator rerum diuinarum & humanarum existens, vt discholos, & dissidia animorum fouentes, pænâ, & legibus, continere in officio censes, ita in concordia & vitæ coniunctione amicabiliter viuentes, laude & præmio afficiendos existimas. Sciens nihil aliud amicitiam esse, nisi nexum quendam animorum, & rerum omnium, quæ in hoc toto vniuerso conspiciuntur: non quippiam dici aliud, nisi morum similitudinem, & illam suauissimâ pectorum cōsensio- nem, in Bonum commune conspirantiū, adiuncta virtutis politicæ, & effectus ipsius explicantem. Quæ quidem nisi esset inter Proceres Regni, & Præsides populorum, neutiquam certè florens, ad quem omnes anhelamus, status rerum omnium permaneret. Sicut enim catherinâ, etiam graua quæq; colligantur & retinentur: ita amicitia, omnia ciuium membra, in publica dignitate conseruantur. Hinc Romanæ Parens eloquentiæ Tullius, Solem è mundo tollere inquit eum, qui amorem & beneuolentiam è media hominum consociatione auferre malitiosè præsumpserit. Quemadmodum enim in cithara tot chordæ, perfectam & iucundam consonantiam reddere non possunt, si illarum vna vel rupta, vel non rectè coaptata fuerit: Ita Respub. nisi pace & tranquillitate suorum ciuium, suauissimos edat concentus, corruat est necesse. Hoc tu à primo ataris tua flore aduertens, ita animum tuum ad omnem honestatem componebas, ita morum elegantia, & lite-

M. M. B. Oratio Syncharmatica.

rarum claritate, totum te informabas, vt tanquam in oculis Dei viuens, tandem aliquando in sublimi excel-
sæ dignitatis gradu constitutus, scias probè, & valeas
res cum summa authoritate administrare. Ac primùm
quidem ex pueris postquam excessisti, in Patriæ solo
iucundissimo, in quo ex nobilissimis, & antiquissimæ
in Polonia Prosapiæ parentibus natus es, in ijs artibus
quibus ætas puerilis ad humanitatem informari solet,
ab eruditissimis hominibus, liberaliter & ingenuè ex-
cultus eras. Et cum celeriter laude antecelleres omni-
bus, ingenijq; gloriam in virtutum splendore, & labo-
ris contentione, alijs etiam æmulantibus tibi compa-
râsses; mox in Italiam, matrem scientiarum sæcundis-
simam, & ad exterarum nationes, (in quibus hæc artium
& disciplinarum studia, vehementiùs elegantiusq; ad
applausum tuum colebantur,) te contulisti: vbi specimi-
na non vulgaris ingenij tui eluxerunt. Namq; & natu-
ræ latebras, & abdita arcana Philosophiæ, tam diuinæ
quæ omnem veterum superstitionum procellas remo-
uet, quàm prophanæ quæ ingenij acrimoniam auget,
inprimis eras perscrutatus. Deinde rationem Reipub.
gubernandæ, & temporum cursum atq; recursum inue-
stigaueras, situm terrarum, historiæ veritatem & lu-
men cognoueras; Hinc & ius Pontificium ac Ciuile
penetraueras, quo fontes expugnare, innocuis pro ge-
nerosâ mentis indole velis opitulari: ex eoq; & nunc
tanti facis Doctores ac Magistros industrios, quanti

In Aduentum Illustriss. Præsulis:

solet facere bonus Imperator militem egregium atque in re militari expeditum. Ergo cum ingenij tui promptitudine tantopere valeres, vt nihil quod te dignum scire putares, intentatum relinqueres, etiam summæ eloquentiæ Magistrum ac Romanum Professorē Marcum Antonium Muretum adiisti, ei que te totum veluti excoquendum tradidisti, & expeditè deuouisti, quo non grauatè vt dicendi, ita iuxta virtutem, ac leges publicas viuendi, præcepta imbibisti, ex eoq; in illis regionibus omnes, qui aliquid de ingenijs poterant iudicare, te amicitia & cognitione dignum existimârunt, imò SZYSCOVIVM digito monstrâtes, florem & decus Poloniæ, tanquam Numen quoddam venerabantur, & ad summa quæq; natum præfagiebant. Iam verò & laudatissimus ille Poëta, ac insignis Orator Bencius, quo in amore, & quibus te in delicijs habebat! ob præclarum & excellens tuæ Eruditionis decus, & in eas quibus ad omnem vitæ integritatem excitamur virtutum propensionem, ac singularem tui oris Tulliani facundiam! qua quidem nihil adeò est horridum quod non splendescat & tanquam excolatur. Hactantâ famæ celebritate, cum esses iam & absentibus notus, in Patriam tanquam Indicus mercator, auro & gemmis onustus virtutem ex Præceptoribus edoctus verumq; laborem, felicissimè redijsti; vbi cum omnium ora atq; oculi in te essent conuersi, magnam de te omnes conceperunt opinionem, in fortunarum splendidissimam accessio-

nem,

M. M. B. Oratio Syncharmatica.

uem, & honorum cunctationem spectatissimam. Eos autem tu omnes deuinctos consuetudine cum teneres, afficiebaris ab eis vicissim summâ obseruantia, & cultu: te enim propter senilem tuum in adolescente animum, & fecundæ mentis coniectationem, non solum diligebant, & humanissimè tuebantur, qui aliquid percipere, aut à te audire studebant; verum etiam si qui fortè simulabant interim, quasi cœlitus demissum te Coronæ Filium, in spem Patriæ expeditissimum, fatebantur. Moribus quippe grauissimis, suauitate dicendi, omniq̃ue humanitatis condimento attemperatis, omnes quibus cum familiarius viueres, incredibili quadam iucunditate tibi conciliabas, & exemplo tuæ probitatis, ab omni dedecoris labe, & turpitudinis dedecore, ac infamiæ notâ reuocabas. Veram nobilitatem, non ex fumosis Auorum imaginibus, aut Maiorum factis illustribus, sed ex propriæ industriæ celebritate, ex animi magnitudine, & virtutis cuiuslibet claritate, pendere edocebas, & omnibus passim, te veluti Oraculum consulentibus, ingeminabas. Itaq; positus in rerum humanarum secundo cursu, ætate, ingenio, nobilitate, gratiâ, opibusq; florens, non ad pompam & ambitionem respexisti, vltro citroq; diuinâ animi celsitudine præditus, isthæc, quæ dolorem incutunt & pudorem, vniuersa despexisti, imò repudiasti. Inde q; te virtus tua, doctrina, labor, sacris Altaribus Sacerdotem, castimonie vitæ & integritatis amantem, ad-

mouit

In Aduentum Illustriss. Prasulis.

mouit, & in amplissimum Collegium, Illustrium Canonorum Ecclesiæ Cathedralis Cracouiens. Seminarium Episcoporum antiquum, adsciuit, ex quo ceu experenni fonte honoris omnis & dignitatis, tot literatissimi & scientissimi in Rep. Sacrorum Principes, & Senatûs Consiliarij, non iucunda Oratione aures titillantes, sed vtilia consulentes, prodierunt. Nec immeritò sanè. Sic enim faciliùs Patriæ commodis inseruire tuam operam deposcenti, & ad cœlestia animosiùs aspirare te fecit, dum in animo pensitares, omnis virtutis quidem principium esse prudentiam, finem autem Fortitudinem. Nam vt illa quid agendum sit indicat, ita hæc publicam promouet ac tuetur vtilitatem. Magnum quippe ratus eras, principia rectè ordinare ad finem: maius in theatro omnium, & communi hominum societate decenter viuere: maximum verò, omnium copiam habèdo, & alijs eam, veluti redundantibus Nyli ostijs, vel Ægyptiorum frugum aceruis, subministrando, in omni dignitate Remp. collocare: vt pote, omnia ad exactam recti iudicij normam, tanquam ad Lydium lapidem componendo, quo pacto facultas de bonis & malis quibusq; bene merendi, ex virtutis splendore, nō ex flagitiorum turpitudine, comparetur. Et fecisti sanè, quemadmodum prudens nauarchus, vt ingruentes tempestates, & sorbentes procellas, rationis remo (tanquam ex altissimâ speculâ Lynceus ille Argonauta, qui per centū triginta millia passuum exeūtem à Car-

thagine

M. M. B. Oratio Syncharmatica.

thagine classem Punicam, numerumq; nauium, manifestissimè notauit) præuidens, excelsæ mentis robore, & insuperabilis doctrinæ firmitudine, tanquam alato Pegaso Bellerophon prouectus, Chymæram monstrum portentosum, scilicet, technas & insidias maleuolorum de religione malè sententium, bella ciuilia & tumultus domesticos fouentium, postmodum omnes propulsare scias, & prosternere valeas. Et effecisti sanè ex voto; Namq; secundo cursu ad ardua prouectus, & Principum aulis cùm esses admotus, per mansuetudinis nitorem, in tantum placuisti Pontifici prudētissimo PETRO MYSZKOVIO, vt te magnum in Rep. futurum pronuntiaret. Similiter quoq; & Cardinalis ille diuinus BERNARDVS MACIEIOVIUS, cuius iudiciorum Assessor & Cancellarius fuisti, propter prudentissima tua respōsa, & in rebus gerendis peritiam, ac indefessam patientiæ tolerantiam in qua multi concidunt, nihil ardentius, quàm te in sede Episcopali videre, desiderabat. Nec verò suo frustratus est adeò laudabili proposito. Namq; in Regis Serenissimi Sigismundi III. aulâ, omnis decetia & rectitudinis teatro, dum sanctissimè degeres, nō simulatione aut versatili morum curiositate, sed ingenuo animi candore, & factis insignibus, innotescere superioribus, & cæteris præire, studuisti: tecum simul in palatia patientiam inuexisti; laborem, industriam, vigilantiam, constantiam, paratum omnibus officium, Principi studium ac fidem in omnibus probasti; me-

In Aduentum Illustris: Praefatis

mor loci, expectationis, eorumq; omnium quæ ad claritatem nominis iter præmonstrant. Eos autem qui pro humanitate simulationem, pro ioco luxum; pro circumspecta ratione viuendi, auaritiam; pro honore diuitias, usurpant; qui sequuntur inertiam, qui domi delitijs affluunt, in aulâ gratiæ & ab domini seruiunt, omnes eius farinæ homines tanquam tineas, & aulicos huiusmodi uti sorices suo ingenio relinquendos censuisti. Quid ita? quia solent illi artibus ijsdem tueri honores, quibus illos pepererunt. Nempe quia promoti à cæca & volubili rotæ insistente fortunâ, etiam cæci penitus & ipsi fiunt, authoritateq; armati, redduntur quàm nocentissimi, & omni veneno pestilentiores. Tunc enim demum honores viros arguunt, & suapte naturâ quid valeant, produnt in apertum. Ac proinde tu arcanorum consiliorum factus particeps, dum, liberè cum veritate in omnibus consentiens, officiorum publicorum & priuatorum viam percurreres, tanquam Palynurus ad Cynosuram, ad æquitatis normam omnia dirigebas: tanquam Argus Centoculus ad Ifidis splendorem, id est, famæ & nominis celebritatem, animi vultum habebas intentissimum. Tunc equidem, tanquam cautus Vlysses cato tuo pectore, feruoris æstus iuueniles, & fluctus ambitionis, tanquam Scyllæam rabiem, & Charybdis tortuositatem, cerâ amoris Dei, & timoris spinis obturabas; ut sic demum, blandissimos Syrenarum cantus, & auræ popularis ventum, potuisses euitare.

Indeq;

M. M. B. Oratio Syncharmatica.

Indeq; non Maiorum tuorum colossos, vel facta fortia commemorando, sed ipse ea aggrediendo, & in te ipso exprimendo, clarus fieri virtute, illustris rectè factorum celebritate, voluisti: ita vt quot probitatis exempla in te relucerent, tot imaginum vultus, & insignia nobilitatis, te apud posteritatem habiturū, reputares. Omnia grauitè, symmetricè, recto in ordine & modo, peragebas: omnia prudenter, & seuerè, sine adiunctâ noxia & blandissimâ dominâ voluptate, cum quâ nihil tutum, nihil honestum, nihil sanctum diu stare potest. Non equidem Deo carum esse posse, dicit Seneca, cui corpus nimis carum est: nec quenquam, extollere se valere ad diuina, mortalium, nisi omisis turbidis & sordifluis impuræ cogitationis vndis, ac incōtinentiæ fluctibus omnino repressis. Ita q; cūm animum tuum ab Honesti & Recti tramite longè difficilius fuisset, quàm solem à suo cursu reuocare, Fabriciorum, Curionum, Deciorū, Scipionum, & trecentorum aliorum nomen, promeruisti. Ergo omnes suspiciebant in te probitatem, integritatem, grauitatem, virtutem, fidem, constantiam, ceterasq; egregias dotes tam corporis quàm animi, teq; vehementer admirabantur, & laudum encomijs ad coelū vsq; extollebant. Neq; enim superbia, nec dolor, nec periculū vllum odij, de statu mētis te deiecit, sed tibi similis, tanquā tetragonus lapis, vel rupes immobilis auræ popularis flatibus, extitisti. Sic q; te omnes, ad grauissimū munus Senatorium apprimè natū & pulchrè cōpo-

fitum eſſe iudicabant. Agè verò, cum vidiffet Admirator, & virtutum diligēs obſeruator tuarum, ſapientiſſimus Rex, linguæ facundiam, morum incorruptam ſuauitatem, in prouidendis rebus prudens conſilium, in exequendis dexteritatem, in omnibus moderationem, integritatem, æquitatem, & (vt vno verbo dicā) videns in te omnia ſumma, perfecta, absoluta, ſuisq; numeris conſumata omnia, dignum te ſuo conſeſſu iudicauit, dignum, qui non iam priuatim, ſed publicè de rebus & Reip. ſalutaribus, ei conſilia & documenta ſuggeras. Neq; eius de te ſeſelliffi opinionem; nam poſtquam diuina ſuffragante gratia LVCEORIENSIS Episcopus eſſes factus, quid non pro laude æterni Numinis egiffi? quid non pro Eccleſiæ vſu Tibi ſubeundum iniunxiffi? Schiſmata nempe, & infidelitatis errores perſtringendo, ac contumaciæ fibras radicitus euellendo. Teſtantur de Fide Belarmini Cardinalis Inſtitutiones, à te ex Latino, Polonico idiomate donatę, pro Diceceſanorum tuorum commodo, & pauperum Clericorum leuiamēto. Doctrina verò, & feruor ille tuus, quē non ad eò afficiat, vt cælum ipſum pertingat? quem in tua diſertiſſimè ſcriptā Oratione contra Equitem vanum ac futilem pro religione deſenſandā, & religioni conſecratis viris, integrè, pieq; in ſuæ vocationis decentiā, viuentibus, vindicandis, expreſſiffi, cum omnium admiratione & applauſu? Declarāſti te proſectò non vulgarem iuſtitiaę protectorem, & veritatis legitimæ nō fictum eſſe ama-

torem

M. M. B. Oratio Syncharmatica.

torē. Hinc fit, ut te nūc perhorrescāt omnes, quicunq;
armati linguæ toxico, lancinare consueverūt bonos, ut
pote fulmine tuæ concitatae Orationis, & Authoritatis
respectu, tanquam Stymphalides arcu Herculis, mox
deiciendi & proterendi. Ab eo tempore, non Harpyiæ
audent tibi accedere omnia conspurcantes, gladio tuo
& ingenij acumine discindendæ. Nam velut Zethes &
Calais tam dicto, quàm scripto, tam ferro quàm calamo
scis rebelles comprimere, & bacchātes domare. Maeste
igitur virtute & potentia, ne cessa viriliter pro laude
Dei & Bono publico stare, ac veluti miles strenuus &
Apostolicus vir, pro summi Imperatoris Dei honore,
& Sponsæ eius vnicæ Ecclesiæ sanctæ decore, in labore
& Atlantico onere excubarē. Eius enim nunc vicem
subis, quo iam pridem & subesse didicisti, & regere ali-
os cum dignitate, atq; præesse ex usu publici emolu-
menti, ab eodem potestatem, accepisti. Haud ignarus
Solonis dicti, quō nō nisi eum populi præsidem esse de-
bere docet, qui seipsum rectē prius dirigere sciret per
virtutem, aliosq; prudentiā moderari calleret per for-
titudinē: alioqui similis redderetur ei, qui virgā curuā
vmbra rectam facere conaretur. Nisi enim in rectum
protēdatur, nunquam certē vmbra directē ferri poterit.
Itaq; par est profectō, ut tu multos regas, & à tuo capite
tot capita moderētur: quia te ratio non ira regit, dignū
est ut subiectis tuis præsis & imperes, quia te subiecisti
morū, virtutum, & doctrinæ rectitudini: iuxta Boëtij

In Aduentum Illustriss: Præsulis.

præceptum, quod ita sonat. *Qui se uolet esse potentem, Animos domet ille feroces, non uicta libidine colla fædis submittat habenis. Etenim licet Indica tellus longè tua iura tremiscat, & seruiat ultima Thule. Tamen atras pellere curas non posse, potentia non est.*

Scitè equidem hoc eleganti carmine expressit, vir prudentissimus, neminem imperare posse salubriter & ex usu Reipub. nisi qui subditis esset melior per iustitiam & clementiam, bonumq; commune ad omne decus dignitatis impellat per religionem. Cuius quidem ego duo reperio munera: Nosse supremum illud Numen, & cognitum purè ac integrè venerari. Nam quemadmodum Hermes loquitur: *ὁ θεὸς ἐστὶ βασιλεὺς τῶν θνητῶν καὶ ἀθανάτων, τῶν ὄντων καὶ μὴ ὄντων, τὰ μὲν πάντα γὰρ ὄντα ἐφανερόσε, τὰ δὲ μὴ ὄντα ἐχέει ἐν αὐτῷ.* Id tu aduertens nihil te dignū putas, nisi in quo opus Dei expleas, & in teipso quodam modo exequaris: Hocq; exigis ab omnibus tuis, ut ex animo & corpore constituti, conuenienter naturæ uiuant, & per rectè factorum præstantiam, ad Deum imitandum toto pectore, & incenso amoris ardore raptantur. Cum Religione enim Respublicæ aut florent, aut cadant est necesse. Scis tu non aliam esse causam, cur Græcia quondam scientiarum omnium inuentrix & magistra, nunc prostrata & diruta iaceat, Turcicumq; onus grauissimum perferat; quòd religionem puram & auitam contempserit. Præterea & Hungariam tantopere conflietari non ignoras, & vix à bello re-

ipirare

M. M. B. Oratio Syncharmatica.

spirare eam posse suspicis, quòd religionis integritatē,
& synceram Fidei bonitatē respuerit. At verò Romanū
imperium tam diu permanere, imò in sempiternum flo-
rere, certò tibi persuades, quòd Religionis Parens & Re-
gina Roma esse conspiciatur, hæreses omnes omnium
temporum religiosissimè abiurando. Sed quid ego re-
motiora hæc commemoro? cùm domesticis exemplis
abundemus. Proinde verò Polonia nostra, in omnibus
fortunæ casibus exercitatissima, & constantissima, cur
scientiam rei militaris, virtutem, authoritatem, & fæli-
citatem suam retinet (licet in omni patientiæ exerci-
tio erudiat) & viuat semper? Quia à Regibus pru-
dentissimis, & religiosissimis, gubernatur, & in omni
libertate promouetur: qui fidem Deo semel datam
constantissimè profitentur, & Sedem Apostolicam so-
litâ pietate colunt, ac venerantur. Hinc enim illud a-
pud nostros Maiores erat in more positum, vt dum Sa-
cratissimum Christi Iesu Euangelium in officio diuino
à Sacrificante legeretur, cum districtis ad medium gla-
dijs omnes adstarent, & pro Christi nomine ac fide vi-
tam profundere paratissimos se testarentur. Religio
igitur regna omnia stabilit & cōseruat. Quâ SIGISMVN-
DVS III. Rex noster potentissimus, quia diuino munere
affatim ornatus est, & cumulatissimè imbutus, ideo no-
stram Rempub. multis hætenus vndiq; cinctam peri-
culis, & inundantem dissidijs ac tumultibus domesti-
cis, celeriter & prosperè, malis omnibus sopitis, auget,

ornat,

In Aduentum Illustriſſ: Præſulis.

ornat, ac amplificat, etiam cum vitæ ſuæ periculo, tanquam David ille ſanctiſſimus; ita vt quod alij Prædeceſſores vix optare vnquam putauerūt, hoc in eius miſiſſimas manus detulit diuina poteſtas. Quod vt illi & Soboli eius perauguſtæ, ac Cōſorti Regni Sereniſſimæ & pientiſſimæ, proprium & perpetuum ſit, cum ſalutis & imperij incremento, id demum illi precari, & gratulari debemus. Præſertim cū nulla res ſit tam ardua, atq; difficilis, quam ille, diuino fretus conſilio, inuiſto animi robore, adoriri, ſingulari prudentiâ aggredi, & ſummâ fortitudine ſuperare non poſſe videatur. Indeque Romulum armis, Numam pietate, Auguſtum decore & præſidio in Repub. ornandâ, paratum vbiq; & excelsum animū, inauditam manſuetudinem, imperij authoritatem admirandam exhibens, ſuperare iudicatur. Namq; eum Moderatorem populi eſſe debere ducimus, qui non priuatum ſed publicum inquirat emolumentum. Ergo liceat exclamare:

Magne, SIGISMUNDO regnante, Polone triumphæ:

SZYSCOVIO, felix, Præſule, vine Deo.

Quid enim? an in ſecundo illo tuo Episcopatu Plocēſi parua tuæ pietatis & doctrinæ ſpecimina reliquiſti? dum inchoata perfeciſti, recto ordine omnia fieri præcepīſti; vt iuuentus florentis Reip. ſeminarium in literis, & virtutum curriculo, ad fructum cōmunem & Eccleſiæ vſum proficiat, eſſecīſti; vt res ſacræ non profano ritu tractentur, vrgenter inſtituiſti; denique vt tam

priuati

M. M. B. Oratio Syncharmatica.

priuatim quàm publicè, tam domi quàm foris, rectè,
decenter, & honestè viuatur, contentioso labore edo-
cuisti; quo pacto Pastoris in Ecclesia munus dignissi-
mum, in Repub. Senatoris grauissimi negocium, obiui-
sti. Hincq; & Rex serenissimus, iam pridem tuorum fa-
ctorum illustrium, & oris facundiæ, in Comitijs Regni
generalibus, & publicis negotijs, toties declarata non
ignarus, te in legationem, ad Austriacam Gentem anti-
quissimam, ad orbis imperia natam, pro Serenissimâ
CONSTANTIA, Regni & sortis suæ Conforte honorifi-
cè deducendâ, tanquam Auspicem pronubum, aut
Paranymphum nomine S.R.M. disertissimû, destinauit,
cum illustri ac Magnifico Domino Sigismundo Gon-
zaga Myszkowski, olim Regni Poloniæ Marschalco, à
Mirow Marchione. Quod quidem munus, summo cû
honore, & omnium applausu, atq; Regis inuictissimi
amore, & iucunditate expediuisti, gaudio Patriam af-
fecisti, sæcunditatem omnis Boni, & frugum vbertatē
tanquam Triptolemi rotâ in Rempub. Polonam inue-
xisti. Qua in re dicent tuam dexteritatem Annales, &
oris tui venustatem, atq; paratum animum, & rerum
expeditarum promptitudinem, futura sæcula prædica-
bunt. Age verò, quoniam virtuti inuia nulla via est,
tendit enim in ardua semper, cûm te literatissimû om-
nes Præsulem essent experti, prudentissimum Senato-
rem, illustrem Patriæ heroem ac Principem, vno ore v-
niuersi dicerent, diuina virtus effecit, & altiùs genero-

In Aduentum Illustris: Præsulis

sa tua feratur promptitudo, lunæ binâ facie, & crucis
suffulta præsidio: hæcquæ; probitas & meritôrum amplitu-
do, transcendat etiâ Phæbi currus lunæquæ; quadrigas, dum
CRACOVENSIS Episcopus inauguraris: & iam pridē
de te hominum conceptam exples opinionem, ac fla-
grâs tui in altiore gradu vidēdi, eorū promoues deside-
rium. Quid enim hæc insignia sunt, nisi virtutū heroi-
carum ornamenta? nisi sapientiæ cuiusdam diuinæ, &
profundæ eruditionis firmamenta? quibus instabili-
tatem rerum despectans, omnia religione, pietate, &
vitæ sanctitate metiris: & quicquid cum cruci affixi
Seruatoris Dei voluntate nō consentit, id demum tuo
ingenio non arridet, id in arce honoris & dignitatis nō
reponis. O veræ immortalitati consecratum Præsulem!
ô heroem magnorum consiliorum incomparabilem!
cuius sententiæ, toties cum summâ admiratione assen-
sum est, & responsa pro Oraculo à Rege & Regni pro-
ceribus habita! Quis igitur mentis tuæ intimos reces-
sus perscrutari potest? quis ardentē illum amorem, quo
in Deum & Ecclesiâ flagrans, tot multis in locis Xeno-
dochia pauperibus exædificasti, tot cōtubernia & Mu-
domicilia extrui curauisti, rebus diuinis exæstuâs? quis
laboris in Vineâ Domini tolerantiam, quis indeffessam
operam in cognoscendis, transigendisquæ; negocijs; quis
singulari comitate conditam grauitatem; quis ampli-
ficandæ Religionis studium; in procurandis Sacris as-
siduitatem; æquitatem iudiciorum atquæ; innocentiam,

non

M. M. B. Oratio Sincharmatica.

nō dico enarrare explicando, sed vix, ac ne vix quidem
satis admirari poterit recensendo? Iam verò incredibi-
lis tua mansuetudo cui non mirificè commendetur,
nullis vnquam labefactata offensionibus? Præterea tui
animi moderatio, quē nō delectet? inaudita tua ac pro-
pe diuina, in tam excelso honoris ac dignitatis gradu-
morum couenientia, & clementia, quem non in tui
amorem accendat & inflammet? quis non tui deside-
rio, ex aliorum saltem relatione, inardescat? Huc acce-
dit, quòd liberalitatem tanquam matrem colas, eamq;
promptâ voluntate, & facultate inexhaustâ, omnibus
declaras: quæ quidem alias virtutes quodam modo ex-
cellere, & in sua veluti potestate habere videtur. Nāq;
aliæ omnes, ex debito vel naturæ, vel iuris, & legum
nuncupatione pendere videntur. Reddere siquidem
quod suum est vnicuique, naturæ instinctu docemur.
Temperanter viuere, natura quoque paucis contenta
omnes edocet. Fortiter res exequi, & robore valere,
commune quodam modo est quoq; belluis. At spon-
te, liberè, nullo respectu, non meritorum habitâ ratio-
ne, sed excelsi animi consideratâ nobilitate, & ingenij
magnitudine, benefacere alijs, hoc demum est magni-
ficum & pene diuinum virtutis heroicæ argumentum.
Nam si animi magnitudo rebus in magnis elucet, & vir
magnanimus, magnitudine est quidem summus, in ho-
noreq; versatur, & viuit decentissimus; quod externo-
rum bonorum maximum bonum & summum est, Phi-

In Aduentum Illustriss. Præsulis

Iosiphorum Principe 4. Moral. attestante; attamen Magnificentia, Liberalitatis amplitudine exornata, aucta, propagata, multò se illustriorem, multò excelsiorem, nititur patefacere. Quid enim? si Charitas Theologicarum virtutum princeps est, & regina, Fides enim & Spes (vt docet Theologi) deficient, ipsa Charitas etiam in illa suprema viuentium regione permanebit in sempiternum; est consonum veritati, Liberalitatē, quæ ex omni parte ei in moralibus virtutibus est persimilis (ex ea enim tanquam fonte limpidissimo promanat, & in alias longè latèq; diffunditur) cæteris omnibus iure merito præstare; indeq; nulla actione propiùs nos ad Deum accedere, eiq; reddi persimiles, quàm dum liberaliter & munificè opem ferimus implorantibus. Hæc siquidē est, quā cunctos nobis veluti Gordio quodam nodo deuincimus; hæc nutrit egenos; virtutes alit; fortunæ bona in finem dirigit bonum, & felicitati cōgruentem. Et quoniam tu, PRÆSVL Illustrissime, liberalitate in omnes vteris, munificentia omnes tenuioris fortunæ homines complecteris: pauperum turmas, tanquam Pater benignissimus filios, eleemosynā subleuas, eaq; in re D. Martini viscera pietatis gestare videris, Religiosorum familias pane tuo pascis, sustentas; Ecclesias, & Oratoria, annuo prouentu ditas, ornas, gratiā Dei accumulas; Insuper Scholas alis, & ex eis clientes tuā gratiā nō indignos, per virtutes, & literas, ad dignitates prouehis! Idcirco omnium benevolentiam tibi

conci-

M.M. Oratio Syncharmatica.

concordias & amorem; ita ut certatim, tanquam Themistoclis illius, virtutes tuas omnes cupiant deprædicare, omnes pietatis significationem exhibere, omnes dignitati tue, tanquam cuidam patrimonio, & hæreditati suæ ex animo gratulari: nec sufficit vox, lingua, & laterum compages omnibus, ad tuas laudes non ornandas sed saltem recensendas. Quis enim unquam adeo Principibus charus, tam gratus Senatui, tam iucundus nobilitati, tam amabilis doctis quibusq; , tam rudibus & populis vniuersis venerandus! colendus! honorandus visus est, quam tu? Qui in omnibus dictis & factis tuis, semper tibi, Socratis instar; similis appares, in omni fortunâ æquabilem vultum prætefers, & benignitatis frontem in omnes declaras. Titus Vespasianus ob summam illam modestiam, & benignitatem, amor & deliciæ generis Romani fuit appellatus: hunc tamen ego Principem infra te pono iure meritissimo; comitatem enim morum, & illam benefaciendi alijs ostentationem, quibusdam vitij more Gentilitio contaminauerat, licet biennio tantum summæ Reipub. præfuerit. Ast tu summæ rei in Ecclesia & Rep. præfectus, puram semper & integram ab omni flagitio vitam traduxisti, & per multos iam annos Reip. diuinæ gubernacula, non sine omnium fructu & saluari commodo, tenuisti; quo pacto, hoc tempore nouâ ista dignitate auctus, nostrum es commune omnium gaudium, nostra post Deum spes, nostræ deliciæ. Tibi nunc ecce applaudimus, te suspi-

In Aduentum Illustriss. Præfulis

cimus, te, pro tuo singulari in res altissimas, perpetuo in diuinas amore, veneramur & amamus: te Antistitem nostrum appellamus, pro te Idò acclamamus, laudes supremo cælorum Monarchæ decātamus; felicem, faustū, fortunatumq; ingressum precamur; prosperam, æquabilem, perpetuamq; in rebus gerendis fortunā, tibi exoptamus. Quem, non ita rem familiarē claudere, cognouimus, vt eam benignitas non possit aperire; quòd per eam nominis immortalitatē te cosequi posse certò tibi pollicearis. Quomodo? Neminem videlicet à te tristem dimittis, diem te perdidisse censes, quo non alicui benefacias. Habes equidem semper ante oculos illud quod Liuius de Fabio Maximo scribit, qui tot ante sæcula ob paruam pecuniæ summam, pro publico vsu erogatam, ad hoc vsq; tempus, summis laudum encomijs satis dignè celebrari non potest. Captiuos duntaxat ille ab Hannibale interpositā numorum pactione receperat, qui quidem numi, dum à Senatu non præstarentur in tempore, misso in Urbem filio, fundum quem vnicum possidebat, vendidit, eiusq; precium Hannibali protinus exsoluit, re quidem paruum, vt pote 7. iugerū, sed animo nullo auro æstimandum. Semper quoq; & illius Gilliæ Agrigētini Ciuis optimi exemplum tuum pectus fodit, quem propemodum ipsius Liberalitatis præcordia constat habuisse. Erat enim opibus florens, sed multò magis animo quàm diuitijs locupletior, semperq; in erogandā potiùs, quàm in contrahenda pecu-

niā, oc-

M. M. B. Oratio Syncharmatica.

niâ occupatior, adeò, vt domus eius, quasi quædam munificentia officina fuisse crederetur. Illinc enim publicis vsibus apta monimenta extruebantur: illinc grata populo spectacula edebantur; illinc epularum magnifici apparatus, latentiq; animo annonæ subsidia, detrimentorum incurfu quassatis, solatia exhibebantur. Insuper hospites, ex varijs Regionibus peregrini, tum urbanis penatibus, tum etiâ rusticis tectis benignissimè excepti, varijs munusculis ornati, dimittebantur. Constat eum quodâ tempore, quingētos Equites vi tempestatis in suas possessiones cōpulsos, liberaliter diu aluisse ac vestiuisse. Quid multa? Non mortalium aliquem, sed propitiū Fortunæ genium, vel Amalthææ potiùs cornu, ac sinum ipsum cuiusdam Benignitatis effusissimum diceres. Ergo quod Gillias possidebat, omnium quasi commune patrimonium erat, ideoq; pro eius salute & incrementis, tam Agrigentina ciuitas, quàm etiam vicinæ regiones, suffragantibus votis excubabant, & tam charum habebant, vt nunquam eum morti obnoxium à Dijs immortalibus precarētur. Legimus quoq; non sine risu in Mexicanâ historiâ, eam esse in nouo illo orbe populorum consuetudinem, vt dum Præsidem consecrant, is iuret in hæc verba: Iustitiam se omnibus administraturum; nullum ex illis quos suæ potestati habet subiectos oppressurum; in rebus gerendis, & Repub. procurandâ fortem futurum, industriaq; suâ effecturū, vt sol cursum splendoremq; suum teneret, nubes pluerent,

In Aduentum Illustris: Præsulis

rent, riui current, terra deniq; omne genus frugum produceret. Ex quo planum est, vt oues Pastoris tutelâ; ita populos, hæc externa bona & animi decora, Præsidis sui solertiâ & æquitate vel maximè metiri. Hoc idem de te confitentur omnes, quos tanquam Magnes ferrum, si modò ingenio, vel naturæ bonitate vtantur, munificentia tuâ & liberalitate trahis ad te, officiis beneuolentiæ prosequeris, & tanquam odore myrrhæ, aut balsami liquore fragrantissimo, admirandæ tuæ eruditionis succo, mansuetudinis saccharo, humanitatis condimento, ad te allicis; honoribus dignos accumulas; in vsum Reipub. & ornamentum promoues. Quid igitur tali animo sublimius? quid diuinius in vitâ mortalium accidere potest? Quapropter omnes te amant, vt Patrem: venerantur vt Numen, qui beneuolentiæ tuæ vbertatem indiès experiuntur, & munificentia fluentis accumulatur. Dicam ego sine omni fūco, Deum in se exprimere, Deo esse penitus non absimiles eiusmodi homines, quib9 naturâ est familiare quotidie hominibus bene facere: Etenim laudabilius est, iuxta Xenophontem, beneficiorum, quàm trophæorum apud posteros, memoriâ inclarescere. Proinde verò, cùm tu non in eos modò, quos deuinctos officijs, & sanguine tibi præclaro habes coniunctos, sed in egenos quoq; & calamitosos Christi hæredes, ac sub pōtenti manu Dei viuentes in omni submissione & patientiâ, Diuorum amicos quosuis afflictos, ple-

nâ ma-

M. M. B. Oratio Syncharmatica.

nâ manu, & toto planè horreo, effundis cumulatissimè:
ideoq; non tantum nos in terris, honore tuo miradum
in modum gaudemus; sed etiam Beatorum animos in
coelo, & præcipuè sublimem illū Heroem totius incly-
ti Regni Sarmatici, & Capitoli huius nostri Patronum
D. STANISLAVM, cuius tu sanctissimis sedibus inaugu-
ratus es, nō mediocrem capisse voluptatem, fide certâ
contemplamur: atq; ideo conuersum ad illam totius
mundi Mentem quæ procurat vniuersa, primò ei gra-
tias egisse, arbitramur; Deinde, pro tua salute atq; inco-
lunitate, preces eidem fudisse, mente ipsa intuemur: ac
flagitare hucusq; vt, quemadmodū ipse, populum quō-
dam Polonum, diu feliciterq; gubernauit, & contra o-
mnes luporum insultus pro grege sterit imperterritus;
sic etiam tu, qui nunc illi in tanto temporis interuallo
successisti, & in loco eius amplissimo consedisti, non
minùs bene beateq;, Spartam quā nactus es, exornes,
& prouinciā, cum laude æterni Numinis, administres.
Equidē diuini Herois, & Patroni nostri preces hæc,
Deum ipsum audiuisse, & speramus, & credimus, vt di-
uina prouidentia, te Præsīde, nullo nobis tempore post-
hac vnquam sit defutura. Sed Regnum hoc, eiusq; Præ-
sidem, & Senatum, omnemq; populum Polonum, tua
authoritate, fide, religione subnixum; concordiam, pa-
cem, tranquillitatē amplexaturum: nihil in posterū ali-
ud, quàm de honestate vitæ, de sanctitate, de æterna bea-
titudine cogitaturum. Neq; enim quispiam à recto vir-

utis tramite deflectere vnquam poterit, qui te sibi, tanquam Ducem veræ pietatis, & omnis deuotionis ac doctrinæ cœlestis Antesignanū, proposuerit; qui in tantæ dignitatis fastigio constitutus, nihilominus intemperantiam omnem odio habeas ac insolentiam: non adulatorum vocibus, non plausu populi toties acclamantis elatus vnquam, sed intra tuas metas virtutum progrediendo, in arcem, omnis pulchritudinis & honoris publici, contendis, in tantâ mansuetudine, in quantâ priuatus agebas: ita, vt quemadmodum flumen pleno decurrēs alueo, nec tamen agros dirimens, in tuis beneficentiæ terminis, & omnis pietatis limitibus, cōtinearis. Vnde fit, vt tuam iustitiæ bonitatem, & suauitatem morum, ac nitorem clementiæ, nulla vox, nulla vbertas ingenij possit explicare, nullaq; vnquam ætas in posterum conticescat. Quibus tu, tanquam cœluminis syderibus lucidissimè radiantibus, cinctus, toti Regno luces, & in omnes Reip. partes radioꝝ fulgorem diffundis. Scis quippe priuatis hominibus satis esse, si nihil delinquant; Præsidem autem populi, ne suspectum quidem delicti esse debere, certò tibi persuades; omnium siquidē ora, atq; oculi in eum sunt coniecti, ita vt quod videant ab eo fieri, sibi idem licere pertinaciter contendat, & moribus eius sint in omnibus se accommodare paratissimi. Alexander Magnus, ceruice leuiter incuruâ & pandâ fuit; quod certatim Proceres Regni, & aulici illius imitati fuerunt, quasi ipsum Re-

M. M. B. Oratio Syncharmatica.

gem in se effingentes. Adeò etiam minutissima quæq;
in Præsìde quopiam obseruantur, cum æmulationis ar-
dore. Scribitur de heliotropio herbâ, cuius ea est na-
tura, vt se ad solis motum inuertere soleat; & regis (vt
dicitur) ad exemplum totus componitur Orbis. Nam-
que, vt solis deliquium magnam mortalibus pernici-
em adfert, ita error Principis etiam leuis, magnam in
rebus humanis gignit perturbationem. Et sicut in cor-
poribus grauissimus est morbus, qui à capite diffluit;
sic malû, quod ab illo promanat, est periculosissimum,
imò nocentissimum: omnes enim inficit, in omnes
Reip partes dimanat, ac magno impetu deriuatur. Itaq;
ne id tibi vnquam in vitâ contingat, diligentissimè præ-
caues: & cùm sis, non modò humana sapientiâ, sed di-
uinâ quoque cumulatiissimus, rerum semper huma-
narum imbecillitatem suspectas: fragilitatemq; earum
cogitans, aliquando ad futurum extremum diem certò
tibi persuades; quo quicquid vsipiam honoris, gloriæ,
celebritatis est, euanescere procul dubio; solam autem
bene viuendi rationem, & virtutum celebritatem, re-
cognoscis in sempiternum permanfuram. Continenter
equidem ac piè viuendi norma mors est, eiusq; medita-
tio assidua, vera & non hieroglyphicis spectris adum-
brata Philosophiæ expressio, à diuino Platone nuncu-
patur. Quid igitur? An non ex te istud sument exem-
plum? cum te veluti speculum quoddam viuæ probi-
tatis intuebuntur? & maculas suas, iuxta Socratis præ-

In Aduentum Illustris: Præsulis.

ceptum, eluent? Tunc enim Cracouiam, vti solent passim, alteram Romã dicent exteri, vtpotè tot Diuorum sepulchris & mortalitatis exuijs cohonestatã: tot Oratorijs refertam: tot Confraternitatibus ditatam urbem! Tunc nobiles viri, ac matronæ religiosissimæ, salutis ergo, diuitijs reiectis vel diuenditis, huc confluent: Magni Heroës tacti pietatis zelo, ex suis amplissimis ditionibus huc conuolabunt, & in Oratorio à te fundato ac erecto, licet toto anni decursu, sed potissimũ tamen in sacris Quadragesimæ diebus, suæ deuotionis exercitia, feruentissimè exequetur. Ad hanc igitur cœlestem & diuinam fœlicitatem, quid potest addi maius? tali animo quid excellentius? huic loco sacro quid conuenientius? Nouit eum sacra Sedes Apostolica, ideoq; tot indulgentijs illum locupletauit, & plusquam Tagi metallis ditauit. O verè sacer locus, viuos & vitâ functos, saluti restituens! O verè te magnum virum, qui locum hunc, ad placandum Deum, reperisti! O bellatorem insignem, qui talem aream ad conflictum cum animicidâ faciendũ, iam pridem adinuenisti, & annua li reditu adauxisti! O tempus sacrum, quo huic V R B I, iam pridem debitus, summus sacrorum Princeps es constitutus! Quid enim? An non tuo instituto viuere, aut pro Christi amore mori etiam, dulce & decorum omnes putabunt? illi, quibus tu sub titulo Compassionis Dominicæ insigne vexillum erexisti: vt sic eus, qui morte suã nostram prostrauit, concelebranda

mortis

M. M. B. Oratio Syncharmatica.

mortis memoriam identidem refricarent, & in signo illo Redemptionis salutarī cōquiescant? Ad quod passim indiēs accurrunt multi, & nomina sua deuotē subscribunt. Inter quos & ego, cum sim infimus, non possum non laudare adeò sanctum & laudabile institutū, exindeq; flagranti rerum diuinarum accensus desiderio, in Christi innocentissimā Passione, omnes iniurias & molestias, si quæ obueniunt, (obueniunt autem sapissimè) depono: imò in vulnerib9 ipsis sepelio; præsertim suauissima accedēte voce, & mellifluo diuini verbi preconē acclamante, clarissimo atq; Reu^{do} Admodū Dñō D. IACOBO OSTROWSKI S. Theol. Doctore, Cathedralis Ecclesiæ Crac. Canonico, viro verè pio, & ab aureo æuo in mundum edito. Qui quidē in feruēte suā concione, tantò pluris faciendus Pericle, Æschine, Demosthene, & ipso facundiæ Rōmæ principe Tullio; quantò diuina, humanis præstant, eloquia. Quem enim ille linguæ suæ vbertate non afficiat? quem non suspensum, imò attonitum reddat flumine eloquentiæ? Fulminantem sæpenuerò eum in serijs horremus: tonantem in diuinis audimus: permiscentem corda delinquentium, imò conterentem cedros, & immutantē rebelles quoslibet, in suamq; sententiam pertrahētem, admiramur! A cuius ore pendent vniuersi, & locum Oratorij, licet adeò spatiosum, incusant multi, quòd eos singulos capere non possit, qui tanti Oratoris tam admirabili propeq; diuino præditi vigore & sapientiâ,

In Aduentum Illustriss: Præsulis.

omni nectare & ambrosiâ proferenda verba suauissima ac dulcissima, auidè & cum gustu cordis æstuantissimi expectant cum intentissimo stupore ! Ambrosium vel Gregorium Nazianzenum, siue potiùs aurei oris Chrysostomum alterum putares dicentem, dum illum elogia Christi Passionis, artificiosè, & eleganter admodû, vt semper & aliàs solet, cum summâ veneratione, patheticè, lachrymas omnium ex oculis elyciendo, ornando politissimè, & enumerando, efficaciter, ac neruôsè admodum, recensere audires. O verè diuinum Oratorè, & cum magno omnium fructu, huic sancto muneri deputatû Directorem ! qui nihil prius, nihil antiquius in votis habet, quàm, vt quàm numerosissimi sint, qui insignia Christi Passionis in Aede athletæ fortissimi, & in defensi militis supremi Imperatoris, eiusq; submississimi imitatoris, scilicet, tanquam Carbunculis quinq; stigmatibus Seruatoris nostri insigniti Diui Frâncisci Asisani, meditentur; suæq; mortis memores, sapiant tandem coelestia: & intelligât, insignia Gentis tuæ adspectantes, omnia hæc fluxa esse & caduca, imò mométanea, quæcunq; sub lunari globo continentur: solam autem virtutis æternam esse possessionem arbitrentur. Hic duntaxat est exitus, hic occasus rerum, & honorum omnium; ad hunc scopulum quæcunq; admirantur mortales, illisa omnia franguntur; in has tenebras ac solitudinem redigendum, quicquid in oculis hominum renitescit, & videtur esse speciosum. Ergo hoc efficit in-

signis

M. M. B. Oratio Syncharmatica.

signis Orator ille tuus, vt tuæ oues, Pastor vigilantissime, in pascuis coelestium meditationum enutritæ, ad mortē se præparent foeliciter obeundam; quâ quidem nihil certius; horâ autē eius haud quicquam ignotius esse prædicat: non enim miseretur mors inopiæ, nō reueretur diuitias, nō sapientiæ, non moribus, non ætati deniq; parcit: nisi quod senibus illa sit quasi in ianuis, iuuenibus verò in insidiis. Atq; sic bonam esse mortem iustorum propter requiem; meliorem propter nouitatē vitæ immortalis; optimam propter securitatem, ille enunciat. E contra verò, peccatorū virorum mortē, malam esse in mundi amissione; peiorem in carnis separatione; pessimam in vermis ignisq; duplici contritione, cum D. Bernardo, idem fulgurat, & contendit. Quapropter vt seruiant Domino in timore, apprehendentes disciplinam, in cinere & cilicio, seriam pro suis reatibus agant poenitudinem: vt cum D. Petro in tempore accepto resipiscant, & cum D. Magdalenâ sciant in ardenti amore Dei, peccata sua deflere: vt, si corrigere cupiunt, etiam compatiantur, quo pacto fructus vberrimos ex Christi vulneribus hauriant & reportent; Patremq; illum coelestem, vbertate suæ exercitationis exhilarēt, id instigat. Id nempe elaborat ille, vt tanquā pulli, à columbo cibū sumentes ex ore stillanti diuinū, per contemplationē in aëra euolēt; scilicet vt huius vitæ stadium rectē decurrant, ac tandē in metâ beatitudinis sempiternæ conquiescant: demum verò cum supremis

illis

In Aduentum Illustriss. Præsulis

illis & diuinis mentibus, obtutus suos in æternum defigant. Hæc quippe laus, hic apex est sapientiæ, ea viuentes appetere, quæ morientibus forent amplectenda. Te igitur Illustriss: PRAESVL, tantæ deuotionis PROTECTOREM & præmonstratorem, dum iam in meditullio Archiconfraternitatis huius videmus: dum in medio nostrum, nempe in Sede Episcopatus Cracouiensem habemus; quid nobis non pollicemur? quid non assequi speramus? præsertim, cum sciamus, præsentem salutaris medico, sana fieri omnia; indeque præsentem Pastorem, eodemque Doctorem augustissimo, non languor, non desidia, non scabies oues tuas occupabit; ita, ut quæ antè pleno numero, nunc etiam concursu anhelanti, turmatim proruere contendant omnes, ad diuina facienda, ad exercitia salutaria votis exequenda. Quos quidem ouium greges tu recognoscens, & iam singillatim de facie & conditione (exemplo Diui Tutellaris nostri Stanislai, qui catalogum omnium indigentium, & Clientum, in chartâ semper habebat, sed in pectore magis gerebat; & nunc pariter, ex altâ coeli speculâ fratres suos prospiciens, multum orat pro populo Dei) intimam notitiam omnium habere incipiens, quâ nunc lætitiæ significatione summo Pastori, & æterno rerum omnium Conditori Deo non sacrificabis? quo non feruore, tanquam Salomon, in domo Domini constitutus, non eius Maiestatem supplicabis? ut in conspectu Iudicis æterni, qui abdita cordis penetrat, & intimos sensus me-

dullicus

M. M. B. Oratio Syncharmatica.

dullitùs peruadit, si aliquæ errabundæ hæcenus erant
oues tuæ, mansuetudinem & portum salutis adament
omnino: Agni autem, Philosophicè viuant; scilicet, iux-
ta doctrinam Platonis mortē meditetur, Christi passio-
nis vexillo perculsi: quo pacto expeditiùs in omni san-
ctitate & iustitiâ se exerceât, tam raro Probitatis exem-
plo, per tuos Directores feruentissimos, excitati. Qui
quidē bonos, ne ab officio virtutis discedant, leniter &
mansuetè admonent omnes; malos autem, vt ad offi-
cium pietatis reuocentur, vehementer & ardenti stu-
dio patientissimè adhortantur per crebram illam dun-
taxat, & horrifonam mortis tremebundæ cōmemora-
tionem, atque capitis offei plusquam Gorgonei, expo-
sitam incussionem, & terrorem! Quid ergo? saxum
profectò esset, non homo, tigride ferocior, Caucaasæ
rupe durior, qui non corde scinderetur; qui non omni-
nò mirum in modum cōmoueretur! Latere enim nos
Conditor noster voluit diem vltimam, & mortis horâ
incognitam esse; vt nimirum dum semper ignoratur,
semper proxima esse credatur: & tantò quilq; sit fer-
uentior suo in opere, quantò minùs certus est de sua
vocationis tenore. Intonat ergo ille, vt quemadmo-
dum incerti sumus quando moriemur; ita ad mortem
semper parati viuamus: obseruantes autem dies, & v-
namquamq; horam, in conflictu spiritûs cum carne,
in militiæ spiritualis certamine, tanquam vltimam vi-
tæ stationem, reputemus. Serò equidem, (D. Augu-
stinus refert) parantur remedia, cùm iam iamq; immi-

In Aduentum Illustris: Præsulis

nent mortis pericula: & nihil sic reuocat à peccandi consuetudine, quàm assidua mortis cogitatio. Quocirca, spes magna est, omnes se nunc vel maximè ad omnem pietatis cultum composituros, te illis præeunte, more pij *Æneæ*; vel fortissimi *Alexandri*, magni illius orbis domitoris, celeritate, tēpore ingruentis periculi, exercitu suo obmurmurante. Quod hæc effusa multitudo omnium Ordinum ad te excipiendum, salutandū, honori sacro tuo gratulandum, testatur. Ac in primis Cathedralis Ecclesiæ Cracouiē Capitulī, Proceres amplissimi, magna hæc nomina, Reipub. & Ecclesiæ columina, in quorum singulis, antiquissimæ, & nobilissimæ familiæ decora & ornamenta relucēt; quid putas, quo te affectu iam pridem præstolantur? eo nimirum, quo Sponsū Sponsæ vniri, & copulari, summā cum voluptate intuemur. Ex quorum numero, prudentiā & authoritate illustris ac rēndus admodū Dñus; *D. STANISLAUS SKARSZEWSKI*, Scholasticus Cracouiē: Custos Wisl: Ploc: Canon: Auunculus tuus, vnā cum Spectatis. duobus nepotibus *NICOLAO & ANDREA* Can. Ploc. suo te nunc amplexu, an non singulariter, cum affectu intimo detinet? & cum nunquam tacendæ integritatis viris, ac venerandis Senibus, Rēdis *D.D. NICOLAO THARANOWSKI*, *G.C.* ac *PETRO GWIAZDOWSKI* Scholast. Gnesnē. Cust. Ploc. Can: Crac: omniq; tam actu quàm potestate *PRÆSVLVM*, nec non Senatorum, Prælatorum, Canonicorum, atq; Nobilium Coronā, in Basilicam vsq; *D. Stanislai* reue-

M. M. B. Oratio Syncharmatica.

reter deducū, singillatim salutantibus; an non, stirpē,
eruditionem, dignitatem, rerum diuinarum scientiam,
virtutem, & hunc tuum sublimem honorem, quasi so-
lis iubar rutilantissimum, in suum sinum transfundi, &
deriuari recognoscit? His se adiungit altrix ingenio-
rum ACADEMIA, ocellus Regni, splendor Coronæ, ve-
tustissimum in Regno Poloniæ sapientiæ domicilium;
ex quo, antiquæ probitatis, inculpatæ simplicitatis, in-
dubitati candoris viri, cum generalis studij Rectore
eminentissimo, ceu Musis stipato Apolline; velutq; ex
aluearijs suis laboriosarum apum examina, omniū facul-
tatum Doctores, prodeunt; quo te apparatu excipi-
unt? quā elegantia linguæ, tanquam citharæ concen-
tu, detinent? annon eorum omnium aliqui Numæ
pietatem; sapientiam Solonis; temperantiam Xeno-
cratis: aliqui fortitudinem Themistoclis; Aristidis
iustitiam; Catonis in vultu seueritatem omni placabi-
litate conditam: demum Phocionis vel Platonis in
dicendo suauitatem, prædicant? Cæteri insuper Chry-
sostomos, Gregorios, Basilios, Eugenios, Eudoxos,
Anselmos, Hieronymos, Augustinos, & sexcentos
alios in te suspiciunt, & admirantur! ac deniq; cum se-
ipsos, tum etiam sua tibi officia deuotissima consecrāt
& dedicant. Imouero, quemadmodum sanctissimæ Se-
di Apostolicæ, serenissimisq; Regibus & Dominis suis
clementissimis, ac omnibus Regni Ordinibus, fidelis-
sima hæc VNIVERSITAS, promptissimaq; semper & ubi-
que extitit; quamobrem, in omni omnium temporum

In Aduentum illustriss: Præsulis

veneratione, & amore, apud omnes, bene de bonis sentientes, habebatur: ita nunc quoq; vt priuilegia eius in suo robore sint, & iura omnia in patrocinio tuo facta te cta permaneant, cum geniculatione exorant. Tua Illustriss: Celsit. iusta petentibus, non refragabitur vnquã, quemadmodum nobis pollicemur. Nec immeritò sanè: supremum enim eius patronum adhuc tūc primū agis, cū insigni & supremo Reipub. literariæ Cancellariatūs, simul cum Episcopatu, & Ducatūs Seueriensis munere, es decoratus: quo pacto more Prædecessorum tuorum, sanctissimè in Christo quiescentium, eam ornes, defendas, ac omni veneratione, tanquam studiorum Matrem fecundissimam, & Ecclesiæ propugnaculum non contemnendum, benignissimo affectu prosequaris. O felicem igitur diem hanc, non solum albo lapillo notandam, sed ad orbis terræ memoriam sempiternam in Fastis reponendam; quo non amisisse, sed saltem mutasse patronum videmus: & Academia nostræ Cancellarium, magnum illum Tylicium, in te reuixisse, omni seposito squalore & luctu, gaudemus. Constātissimè enim tenemus eūcti, quisquis bonas literas ornet, & Academiam hanc nostram tueatur, illum & terris, & cœlo beneficiū præstare dignissimum. Terris quidem, quòd hinc viri cultissimi in omni artium genere, & lurisprudentiã, atq; legum doctrinã dignissimi promanãtes; Ecclesiæ vsui, Reip. honori, inseruiant: literas in Septemtrione, iam pridem propagãdo, exiguo sumptu, ne dicam paruo fructu, licet ingenti & vix perferendo.

M. M. B. Oratio Syncharmatica.

ferendo labore. Coelô autem, quòd hîc illustres Theologi, penitissimè diuina rimantes: Philosophi, rerû causas acutissimè speculantes; Oratores disertissimi; Poëtæ diuinissimi; Historici rerum peritissimi, Bono publico se accommodantes, reperiuntur. Præterea, Medici & Mathematici insignes, coeli cursus, syderum cōuolutiones contemplantes; hîc demùm, tanquam in equo Troiano milites exercitatissimi, intra vireta Academiae, contineantur. Quid plura? omnibus his, si tu patrocinari, more tuo, & prouidere illorum rei angustæ, perrexeris; sic & Theologi beatitudine æternâ te dignabuntur; & Philosophi, doctrinæ tuæ celsitudini palmam subscribent: & Oratores rotundo ore loquentes, cum æternâ immortalis tuæ famæ dignitate, ad postereros usq; nominis tui decus, transmittent. Poëtæ porrò Lunæ tuæ claritatem, Sole æterno perfundent, & *fascēs Præsuleos diuino rore beabunt.* Insuper cum Medicis Mathematici, excelsa honorum sydera, præpeti virtutum cursu petentem te ab omni temporis vetustate, & interitu, vindicabunt. Tantùm est de ACADEMIA mereri, tantùm illi bene velle & fauere. Hæc tu pensitando, & diligenti trutinâ in animo reuoluendo, non committes vnquam Præsul Illustriss. cur de te Ciues Academicici iure vnquam conquerantur. Nam si claustra Religiosorum sacrata, (canūt enim Kremeneciæ Seraaphico Ordini deuoti Fratres, tuum pietatis feruorem summâ cum gratitudine: & Brestij, in Ducatu Lituaniae, insigni ritu & cultu Diuina obseruantes, immor-

In Aduentum Illustris: Præsulis.

taletui nominis decus, in iugi & sempiternâ recordatione, conseruant:) si Deo dicatorum virorum familias, suo nitore pro tuâ pietate dignaris & ornas: si fortunas eorum ex professo angustas, & accisas, eleē. no-
synis iuuas, tutelâ firmas, ac præsidio tuo & eloquio magnificè ac liberaliter defendere soles: etiam eos, qui & pro Ecclesia Dei, & pro Bono Regni, (cui gubernatores futuros destinant, & quasi parturiunt) tanquam pro aris & focis strenuè, ingenijs suis & pectoribus, reiectâ curiositatis superstitione, decertant; autoritate, ope, facultatibus, consilij pondere subleuando, non inglorium puta heroicè recreare, ac munificentissimè adornare. Effice præterea Illustr: Præsul, pro innato tuæ benignitatis munere, vt nos etiam, in officio extra beneficium degentes, omniū ope & auxilio destitutos Artium Magistros, qui te nunc suspicimus & veneramur, sacrasq; tuas lacinias exosculamur, amore & beneuolentiâ singulari complectaris: de nobis nimirum, qui te Musageten, id est Musarum decus & ornamentū appellamus, tanquā Pater de filijs cogites: insuper tuæ lenitatis aurâ ad maiora dirigas, & Beneficiæ tuæ radio ad altiora prouehas: sciens, à Principibus viris, tanquā infera à superioribus, tenuioris fortunæ non animi homines, omnem vigorem, & incrementa sumere. Quod si tu sol nobis hodie illuxisti, an non tui fauoris splendore, & benignitatis lumine, omnes, qui hætenus languere, Parente orbatividebamus; rursus obliti dolorum recreabimur? & reflorescere incipiemus? Tu age quo

M. M. B. Oratio Syncharmatica.

paſſo poſtera olim dicant ſæcula, Illuſtriſs: MARTINVM
SZYSZCOVIVM fuiſſe Episcopum Cracouiensem, beni-
gniſſimum literatorum promotorem, Clientum cle-
mentiſſimum Patronum, ſanctiſs: D. Stanislai imita-
torē: inſuper Jagellonis, Regis auguſtiſſimi, Lycæi ve-
tuſtiſſimi, & moribus antiquis fundatiſſimi, Cancellari-
um prudentiſſimum, Reip. Polonæ Senatorem grauiſ-
ſimum, ac ſapientiſſimum Eccleſiæ & Patriæ amato-
rem. Quorſum igitur ego hæc diſputo? horſum nimi-
rum, vt intelligas, nos omnes, in tuo lætiſſimo aduentu
vacuos incommodorum, gaudere; & inſolito geſtientiſ
animi tripudio, eleuari. ¶ Quare, agite dies lætitię, viri,
& inclytę vrbiſ huius, ac totius Diœceſis Cracouienſis
incolæ, quibus ſacræ & prophanæ res ſunt curæ: imò o-
mnes quotquot adeſtis, in tantâ nunc celebritate, & fre-
quentiâ, conſtituti; eia iubilum ducite: cuiuſcunq; or-
dinis, conditionis; ſexûs, ac dignitatis perſonæ, vna vo-
ce mecum, vno animo, vno conſenſu, primùm omniſ
lætitiaſ datori Deo Opt. Max. ac totiuſ machinæ mû-
di Moderatori, pro tanto tamq; immortalī beneficio,
gratias agite immortales. Deinde verò, cōueniētiſſimo
tubæ concentu perſonante, plauſu & acclamationibus
(ſed reuerenter, & cum ſubmiſſione) decentiſſimè fa-
ctis, votis & precibus, eiſ diuinam Maieſtatem obte-
temur: vt quem iam nobis ſuâ gratiâ infulâ triplici in-
ſignitum, adeò gratioſum, & ſereno vultu omnibuſ ſe-
ccommodantem, placidiſſimè quæ cum benediſſione
expandentem, perfectum Fidei cuſtodem, Religionis

ampli-

In Aduentum Illustriss: Præsulis

amplificatorem, Reipub. Polonæ Senatorem, Sacrorum PRÆSIDEM, pietatis, deuotionis, rerumq; arduarum maximum protectorem & auctorem dedit, eundem nobis quâ benignitate concessit, etiam, si ita fert eius diuina voluntas, purpureo decoratum galero, saluum ac incolumē quàm diutissimè conseruet. Vt sic cæteri, viuam pietatis imaginem in eo habentes, id tempestiuè cogitent, quod decoris dignitatem, & nominis immortalitatem pollicetur. Iam enim pridem eius in animo hæc infedit cogitatio, quàm primùm huic sacrosancto muneri designatus est, vt neminem à suo augustissimo vultu, tristem dimittat: vt in mærore & animi anxietate positis, iucunditatem conciliet, feruens humanitatem omnem præferat. ¶ Quocirca, vt hoc illi, & nobis foeliciter eueniat, te summe rerum omnium Conditor, & Pater ingenite, rogamus; quem propter beneficia populus Christianus Optimum, propter vim ac potestatem Maximū, appellat. Teq; ô Mens Patris diuinissima, sapientia æterna, Fili Dei, summe Pontifex, rerumq; omnium procreator Christe, precibus oneramus; qui in terris ea, quæ ad hominum salutem maximè pertinent, procuras; & Ecclesiæ sanctæ tuæ Pastores prouides. Te insuper, totius creaturæ cōseruator, proborum Dei filiorum consolator, alme Spiritus, exoramus; nostro Præsuli cælitus illabere, dona sapientiæ instilla, & incredibilem in corde eius concilia iucunditatem. Te nunc affatim ô mystica Trias, triplex quidem personarū discretio, sed vna virtus, & na-

M. M. B. Oratio Syncharmatica.

turæ essentia, cuius nutu & auspicio, supera, infera, & media reguntur, in finēq; suum disponuntur, & abeūt; te nunc flagitamus omnes, te vno animo, atq; vna voce, obtestamur; vt si ritè tibi pro nouo hoc ANTISTITE nostro, tuæ gratiæ singularis dono, nobis hodie pro insigni munere dato, vota nuncupamus; si ritè in Templū maximum, pro tuo honore conuenimus; si deniq; ritè magnaq; cum fiduciâ, certatim omnes pro adaugendo Fidei sanctæ incremento, fufis quotidie precibus ad te confugimus; hanc firmam, stabilem, certam, & ratam lætitiā, non tantū in præfentiā nobis efficias, verū etiam deinceps in longissimi temporis diuturnitate conserues. Effice, munificentissime Domine, vt nostrum hunc Pontificem, tanquam optimum & literatissimum Ducem sequentes, nostrāq; salutis monimenta feruentius in eo, qui cruci affixus erat, considerantes; cum eo hanc vitam in pœnitentiā, læti tamen, & benè bea eq; transigamus: ac post vitæ huius decursum, (cuius cogitatio diuina Philosophia est,) certū tandem ac definitum in cœlo habeamus locum: vbi cum Polonia Patronis, D. STANISLAO; ADALBERTO; FLORIANO; HIACYNTHO, Professore huius Academia Diuo CANTIO: sanctissimo M. D. L. Principe Casimiro, & cæteris beatis Mentibus, summo Sacerdoti Christo adherentes, ac Pontifici Maximo incessanter gloriam decantantes, æuo sempiterno, perfruamur.







